

Transkription von Urkunde HST 1319d

Ort, Datierung: Stralsund, 1319-03-25

Signatur: Stadtarchiv Hansestadt Stralsund, StU 0150 [\[online\]](#)

Inhalt: Wizslaf tu Ruyen: Lehnrecht

Wi wizslaf van der gnade godes vürste tũ Ruyen dũn witlik allen luden in desseme breue de nu / sint vnde noch tũ komen scolē , Dat wi mit willen , vnde mit rade vnser truwen ratgheuen / vnde man dor sunderlike vruntscap vnser leuen Ratmannen vnde oldermanne(n) , vnde den / menen borgheren tũ deme stralessunde , gheuen vnde laten hebben eweliken de lenware in / alle den scolē in der siluen stat tũ deme stralessunde , also dat se se lien vnde dũn moghen also / dicke also se los werden , wen vnde weme se willen ,, Dar ne scole wi noch vnse erfnamen / nummer weder dun , eder weder spreken . Hir was ouer her hinrik van dechowe . Her siuert / van plone . Her Conrad vnde her Johan Dotenberch . her Rickold van deme smachtshagen / riddere . her Nýcolaſ starcow pleban tũ Barth , vnde he(n)ning bere vnse voghet ,, Tũ ener / openbaringhe desser dink hebbe wi vnse ingheseghel tũ desseme breue ghehenghet ,, Dit is / ghe schen to deme stralessunde na godes bort durent iar , drehundert iar , vnde neghenteyn iar / des su(n)nendaghes alse men singhet , Judica me deus ,,